

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA DOBOJ JUG
OPĆINSKI NAČELNIK
Broj:04-38-3-1377-1/18
Dana,15.04.2019.godine

Na osnovu člana 5. Odluke o pomoći učenicima slabijeg imovinskog stanja srednjeg obrazovanja općine Doboj Jug za školsku 2018/19 godinu broj:01-05-1-1389-11/18 od 26.12.2018.godine donesene od strane Općinskog Vijeća općine Doboj Jug i člana 37. Statuta općine Doboj Jug („Službeni glasnik općine Doboj Jug“, broj:03/08) Općinski načelnik općine Doboj Jug dana objavljuje

JAVNI OGLAS
za podnošenje zahtjeva za pomoć učenicima slabijeg imovinskog stanja
srednjeg obrazovanja općine Doboj Jug za školsku 2018/19.godinu

I

Predmet Javnog oglasa je odobravanje novčane pomoći učenicima slabijeg imovinskog stanja srednjeg obrazovanja općine Doboj Jug za školsku 2018/19.godinu.

II

Sredstva za realizaciju ovog Javnog oglasa utvrđena su u budžetu Općine Doboj Jug za 2019.godinu, pozicija 614234, u visini od 5.000,00 KM za pomoć 12 /dvanaest/ učenika srednjih škola slabijeg imovinskog stanja.

III

Pravo na pomoć učenicima slabijeg imovinskog stanja srednjeg obrazovanja sa područja općine Doboj Jug za školsku 2018/2019.godinu imaju učenici pod uslovom da:

- ne primaju pomoć ili stipendiju po drugom osnovu ili od drugog davaoca,
- da učenik i jedan od roditelja, usvojioca ili staraoca ima prijavljeno prebivalište na području općine Doboj Jug.

Jedan učenik iz jednog porodičnog domaćinstva može biti korisnik pomoći učenicima slabijeg imovinskog stanja srednjeg obrazovanja sa područja općine Doboj Jug za školsku 2018/2019.godinu.

IV

Dodjela pomoći vršiti će se u **8 (osam)** jednakih mjesečnih rata u iznosu od **50,00 KM**.

V

Pored općih uvjeta za ostvarivanje prava na pomoć učenicima slabijeg imovinskog stanja srednjeg obrazovanja sa područja općine Doboj Jug za školsku 2018/2019.godinu navedenih u članu 3. ovog Javnog oglasa, utvrđeni su i posebni kriteriji za izbor korisnika pomoći, i to:

- nezaposlenost članova porodičnog domaćinstva, primanja po osnovu radnog odnosa i druga primanja (PIO/MIO, privredna i poljoprivredna djelatnost, prava iz oblasti boračko-invalidske i socijalne zaštite),
- broj članova domaćinstva,
- zdravstveno stanje učenika i članova porodičnog domaćinstva
- stepen invaliditeta učenika i članova porodičnog domaćinstva koji ne ostvaruju naknadu po osnovu istog.

Učenik koji ima utvrđen procenat invalidnosti od najmanje 60% tjelesnog oštećenja, a koji ne ostvaruje naknadu po osnovu istog može ostvariti pravo na novčanu pomoć bez obzira na primanja članova porodičnog domaćinstva.

Članovi porodičnog domaćinstva su uži članovi porodice i to: roditelji učenika ili usvojioci ili staraoci, braća i sestre.

VI

Zainteresovani kandidati uz prijavu prilažu slijedeće dokaze:

- a) Potvrda o upisu razreda škole u školskoj 2018/2019.godini;
- b) Ovjerena fotokopija lične karte za roditelja učenika koji ima prebivalište na području općine Doboj Jug;
- c) Uvjerenje o prebivalištu za učenika i roditelja učenika koji ima prebivalište na području općine Doboj Jug;
- d) ovjerenu kućnu listu;
- e) uvjerenje ili drugi dokaz o prosječnom prihodu za posljednja tri mjeseca za svakog punoljetnog člana domaćinstva sa kućne liste i platnu listu za period naznačen u uvjerenju o prihodima (za nezaposlene uvjerenje Biroa za zapošljavanje a za lica koja se ne vode na evidenciji Biroa kopija zdravstvene knjižice);
- f) Uvjerenje o prihodima članova domaćinstva – Poreska uprava;
- g) medicinska dokumentacija u slučajevima kada učenik ili član domaćinstva ima teže oboljenje;
- h) nalaz nadležne ljekarske komisije o ocjeni stepena invaliditeta u slučajevima kada učenik ili član domaćinstva ima utvrđen invaliditet;
- i) Ovjerena izjava da ne primaju pomoć ili stipendiju po drugom osnovu ili od drugog davaoca.

VII

U skladu sa raspisanim Javnim oglasom Komisija imenovana od strane Općinskog vijeća općine Doboj Jug, izvršiti će uvid u podnesene zahtjeve, te na osnovu općih i posebnih kriterija, a u cilju ustanovljavanja socio-ekonomske situacije porodice učenika, odabrati 12 učenika srednjih škola slabijeg imovinskog stanja koristeći diskreciono pravo odlučivanja kroz pribavljanje druge potrebne dokumentacije po službenoj dužnosti od strane organa uprave općine Doboj Jug.

Na osnovu utvrđenog činjeničnog stanja po dostavljenoj dokumentaciji od strane podnosioca zahtjeva i po službenoj dužnosti, komisija će sačiniti Preliminarnu rang listu koju je dužna istaći na Oglasnoj ploči općine, te po isteku roka za prigovor / rok 8 dana/ sačiniti Konačnu rang listu koja će nakon davanja saglasnosti Općinskog načelnika biti istaknuta na oglasnoj ploči općine Doboj Jug.

VIII

O dodjeljenoj pomoći zaključuje se ugovor kojim se pobliže određuju prava i obaveze ugovornih strana.

U ime Općine Doboj Jug ugovor zaključuje Općinski načelnik.

U ime korisnika ugovor zaključuje roditelj koji ima prijavljeno prebivalište na području Općine Doboj Jug.

IX

Javni oglas biti će objavljen na oglasnoj tabli općine Doboj Jug, službenoj web stranici Općine Doboj Jug i oglasnim mjestima na području Općine.

Obrazac prijave na Javni oglas može se preuzeti u Službi za civilnu zaštitu, opću upravu i zajedničke poslove općine Doboj Jug i na službenoj web stranici Općine Doboj Jug.

X

Prijave na Javni oglas sa potrebnom dokumentacijom kandidati dostavljaju Službi za civilnu zaštitu, opću upravu i zajedničke poslove putem protokola općine Doboj Jug.

Javni oglas ostaje otvoren 15 dana od dana objavljivanja.

Nepotpune, neblagovremene i neuredne prijave neće biti uzete u razmatranje.

OPĆINSKI NAČELNIK
Mirnes Tukić